

### *Que nos abramos á Palabra*

Hoxe, Señor, como os discípulos de Emaús queremos que descargues a túa Palabra nos nosos corazóns para que se nos abra o entendemento.

Só a túa Palabra nos fai recoñecerte vivo e presente no medio de nós.

Só a túa palabra de paz e de serenidade quita medos e espanta fantasías inexistentes.

Só a túa Palabra nos fai testemuñas que griten: "Aleluia, Cristo resucitou!"

Grazas por regalarnos e explicarnos todo o que din as Escrituras, pola oportunidade de conectar ese "pendrive" marabilloso que posibilita a conexión do noso corazón á nova vida resucitada.

Descarga en nós, Señor, o empuxe da túa Palabra, para que non andemos sen rumbo ou perdidos, senón que a alegría, a paz e o perdón asolaguen nosa existencia.

Regálanos o a túa Palabra que nos axude a recoñecerte vivo e presente entre nós.

Así, coa elocuencia da túa Palabra, marcada pola Cruz e pola Vida, transformarás a nosa mente facendo que podamos entrar na nova era da Resurrección.



14-abril-2024  
3º DOMINGO  
PASCUA-B



**Toda a Escritura nos  
leva a Xesús Resucitado**

# PASCUA 30

**FEITOS 3, 13-15.17-19:** *Matastes o autor da vida, mais Deus resucitou de entre os mortos.*

Naqueles días, Pedro díxolle ao pobo: «O Deus de Abrahán, de Isaac e de Xacob, o Deus dos nosos pais, glorificou o seu servo Xesús, ao que vós entregastes e de quen renegastes ante Pilato, cando decidira soltalo. Vós renegastes do Santo e do Xusto, e pedistes o indulto dun asasino; matastes o autor da vida, pero Deus resucitou de entre os mortos, e nós somos testemuñas diso. Agora ben, irmáns, sei que o fixestes por ignorancia, do mesmo xeito que as vosas autoridades; pero Deus cumpriu desta maneira o que predixera polos profetas, que o seu Mesías tiña que padecer. Polo tanto, arrependídevos e convertédevos, para que se borren os vosos pecados». *Palabra do Señor.*

**SALMO 4:** *Faz brillar sobre nós, Señor, a luz do teu rostro.*

**I XOÁN 2,1-5:** *El é vítima de propiciación polos nosos pecados e tamén polos do mundo enteiro.*

**LUCAS 24, 35-48:** *Así está escrito: o Mesías padecerá e resucitará de entre os mortos ao terceiro día.*

**Narrador:** Naquel tempo, os discípulos de Xesús contaron o que lles pasara polo camiño e como o recoñeceron ao partir o pan. Estaban a falar destas cousas, cando el presentouse no medio deles e díxelles:

**Xesús:** -«Paz convosco».

**Narrador:** Pero eles, aterrorizados e cheos de medo, crían ver un espírito. E el díxolles:

**Xesús:** -«Por que vos alarmades?, por que xorden dúbidas no voso corazón? Mirade as miñas mans e os meus pés: son eu en persoa. Palpádeme e dávos conta de que un espírito non ten carne e ósos, como vedes que eu teño».

**Narrador:** Dito isto, mostroulles as mans e os pés. Pero como non acababan de crer pola alegría, e seguían atónitos, díxolles:

**Xesús:** -«Tedes aí algo para comer?».

**Narrador:** Eles ofrecéronlle un anaco de peixe asado. El tomouno e comeu diante deles. E díxolles:

**Xesús:** -«Isto é o que vos dixen mentres estaba convosco: que era necesario que se cumprise todo o escrito na Lei de Moisés e nos Profetas e Salmos acerca de min».

**Narrador:** Entón abriulles o entendemento para comprender as Escrituras. E díxolles:

**Xesús:** -«Así está escrito: o Mesías padecerá, resucitará de entre os mortos ao terceiro día e no seu nome proclamarase a conversión para o perdón dos pecados a todos os pobos, comezando por Xerusalén. Vós sodes testemuñas de isto».. *Palabra do Señor*

(Narrador - Xesús)



## Toda a Escritura nos leva a Xesús Resucitado

### 1. VER: A Resurrección de Xesús, unha viaxe

- Estamos en Pascua celebrando a Resurrección do Señor, un tempo de alegría. Imaxinemos un profesor que en varias clases fálalles aos seus alumnos de Túnez coas súas palmeiras, o seu deserto, a súa relixión, as súas maneiras de vivir. Seguramente os alumnos aburriríanse en clase. Pero un día, o profe dálles un billete gratis de ida e volta, para que visiten ese país, o interese dos nenos cambiaría. Tamén Xesús aos apóstolos ía contando cousas que eles non lle daban importancia, pero un día víronlle a cruz e pouco despois aparéceselles. A resurrección de Xesús é como o billete de viaxe, a lección definitiva, ábreselle a mente, todo cambia de sentido. A Resurrección de Xesús é como unha viaxe, un cambio a unha nova vida, a unha nova forma de crer... *Que aprendemos coa resurrección de Xesús?*

### 2. XULGAR: A Escritura nos leva a Xesús Resucitado

- Xesús preséntase por segunda vez no medio dos apóstolos, saúdaos coa paz e eles cren que é unha pantasma. Pero El móstralles as súas mans e os seus pés aínda chagados polos cravos, enchéndoo de alegría. Logo come con eles, explícalles as Escrituras e así *“abriulles o entendemento para comprendelas”*.

Lc. 24, 25-38: Fundación R. Pané, película: <https://youtu.be/7g5d2Wx69aM>

### QUE NOS QUERE DICIR?

- Aos que seguimos a Xesús Resucitado hoxe, a Palabra de Dios lévanos a El. Pola súa Palabra, El fálanos, quítanos os medos, reafirmámanos na fe. A súa Palabra faise mesa compartida e festín que celebra a alegría do Reino. A súa Palabra fainos testemuñas que nos fai gritar: **“Aleluia, Cristo resucitou!”**. A súa Palabra fai recoñecelo vivo e presente entre nós, ensínanos a vivir con rumbo de forma que a alegría, a paz e o perdón, como entón, asolaguen nosa existencia.

### Valoras a Palabra de Deus? A que nos axuda na Pascua?

Alex Navarro M., 3º Pasc. B, Cosas de Dios: <https://youtu.be/vBvpYWimZxw>

### 3. ACTUAR: Necesitas enerxía renovable

- Trata de vivir a Pascua como ese billete que che dá a oportunidade de vivir una nova vida con Xesús, a unha nova forma de crer, á alegría.  
- Valora a Palabra de Deus, le o evanxeo de cada día, rézao, trata de vivilo.

*Que imos facer?*

Resucitou, canto: <https://youtu.be/watch?v=33n5FvijogE>